

**KONTUAN HARTZEKO
AHOLKUAK**

ONGI INFORMATU. Errepidera atera behar izanez gero, ongi informatu aurretik. Horretarako telefonoak ondokoak dira: 900400100 (Nafarroako Gobernua), 902112088 (Eusko Jaurlaritza), 0559425310 (Baionako Jendarmeria). Web orriak: www.trafico.euskadi.net eta www.cfnavarra.es.

KATEAK ERAMAN. Ez tematu elurra egiten ari duen errepide batean segitzen. Hala ere, eta gertatzen dena gertatzen dela, kateak eraman autoan. Ez ibili orduko 40 kilometroko abiaduran baino azkarrago.

ARROPA ETA LINTERNA. Beroiak, arropak eta linterna eramatea komeni da autoan.

ERREGAIA ETA HOZTE SISTEMA. Autoa erregaiz betetzea komeni da, eta aldi berean, izoztearen aurkako likidoaren maila eta hozte sistema nola dauden ikustea komeni da.

GURPILAK ETA ARGIAK. Gurpilaren presioa ikustea komeni da. Aldi berean, argiak eta balaztak ongi daudela begiratzea komeni da.

IZOTZAREKIN KONTUZ. Saiatu saihesten izotza pilotzen den errepide ospelak, eta haietatik sartu behar izanez gero, tentu handiz ibili.

ESKU BALAZTA EZ ERABILI. Zero azpiko tenperaturarekin ez erabili esku balazta.

pixkat egin dezakeela diote aurreikuspenek, baina igandean hobetzeraz egingo du erabat. Hala ere, izotzarekin kontuz ibiltzeko adierazi dute, eguraldi lehorra baina hotza egingo duelako, batez ere Euskal Herriko barnealdean.


Bestalde, atzo neguko bideragarritasun planak martxan izan ziren Euskal Herri osoan. Elurra kentzeko makinak, ehunka kilogatz eta teknikari eta langile ugari aritu ziren lanean elurteari aurre egiten. Espainiako Gobernuak Euskal Autonomia Erkidegoan duen gobernu ordezkari Enrique Villarrek eskaini zion Eusko Jaurlaritzari Estatu-ko Segurtasun Indarren laguntza elurtearen ondorioei aurre egiteko.

Errepideetan ez ezik, trenbideetan ere elurrak arazoak sortu zituen atzo. Araba inguruan Renfek elurra kentzeko makinak erabili zituen atzo, trenak normaltasunez ibili ahal izateko.



LUIS JAUREGIALTZO / ARGAZKI PRESS

ARAZOAK ERREPIDEETAN. Elurteak arazo handiak sortu zituen hainbat errepideetan, esaterako, irudian ageri den Barazarko mendatean. Ertzaintzak zirkulazioa arautzen ibili behar izan zuen egun osoan, eta kamioilariak atzera egiteko eskatzen.



RAUL BOGAJO / ARGAZKI PRESS

HIRIETAN ERE ELURRA. Mendietan ez ezik, hirietan ere egin zuen elurra atzo; Gasteizen, esaterako, sendo bota zuen.



LANDER F. ARROIABE / ARGAZKI PRESS

MENDIETAN UGARI. Mendietan, ugari eta mardul egin zuen elurra atzo, egun osoan.



LANDER F. ARROIABE / ARGAZKI PRESS

NEGUKO IRUDIAK. Euskal Herrian non-nahi agertu zen elurraren zurratasuna. Neguko irudi ederrak ikusi ahal izan ziren non-nahi.